

皇明經世文編

皇明經世文編卷之三十四

華亭

徐孚遠閣公 陳子龍臥子

編輯

宋徵璧尚木 顧開雍偉南

宋徵輿轅文參閱

于忠肅公文集

疏

于謙

宣府軍務疏

宣府軍務

兵科抄出、總督邊儲參贊軍務都御史李秉公具題
臣聞軍士有強弱者、必先於慎揀選、軍職有賢否者、

必在乎公進退。切照宣府等處團操軍士中間有身

在兵法法重無全勇亦無全怯在能分其勇怯使各

體雖壯而膽氣怯弱。弓馬生疎者。有身雖矮小而膽

得其用觀此疏知當時能實心揀利如此

氣雄壯。弓馬熟閑者。此等之人。把總管隊官。負深知

其詳。遇警出戰。必先揀選。其把總管隊官。必公其議

論。第其優劣。某軍有勇而弓馬閑熟。某軍無勇而弓

馬生疎。雖有私情。不敢苟且。為其生死同致其憂也。

成敗同任其責也。關係甚重。各不敢輕查。得宣府見

操軍士。先該提督軍務尚書石璞。選其精壯者一萬

一千餘名。定為頭撥。每名月加米一斗。其餘定為次

撥三撥照舊支給月糧八斗。近該臣奏要左右參將
楊能楊信各領官軍一千員名協同獨石馬營等處
官軍修理邊陲其參將楊能說稱尚書比時挑選軍
士止是出於已見不曾詢問下人一時挑選不精因
而各隊軍士強弱不一如今過口恐有緊急聲息須

屬官敢爲此言亦見當時上下無諱

用合兵勦殺賊寇當與鎮守等官柏玉公同管隊官
真選揀身力精壯弓馬熟閑軍士一千餘名其所選
堪中軍士次撥者多頭撥者少甚至又有領馬軍人
馬堪與戰人無鬪志者將好馬搭配選中軍士暫且

過口候回還俱入各隊混同操練。臣看得不堪過口軍人名爲頭撥。食糧雖多。而寔怯懦。選中過口軍人名非頭撥。食糧雖少。其實精銳。不惟人心多不肯平。誠恐遇警不得實用。當與總兵官紀廣詳議。要將見操軍士。重別揀選精壯弓馬熟閑者。定爲頭撥。遇有警急。當先殺賊。其餘定爲次撥。分兵應援。都督紀廣惟推頭撥官軍規矩已定。曾經具奏。不可更改。○亦○有○當○獨○持○之○者○臣切詳看論無當否。合與情者爲確論。法無定在。協公道者爲良法。爲總兵者。自合廣詢衆論。俯順下情。

務使見操官軍強弱不至于混淆勇怯不雜於並進。庶幾人馬相得，兵將相識，倘有警急，庶克有濟。今都督紀廣不恤人言，偏執已見，掌兵柄如兒戲，視邊備若等閑，似此因循故常，遇警豈能成事。再照各城堡見操把總都指揮等官多有年力衰憊之人，素無膽略，濫分兵權，况卽今邊報不絕，人心未安，挑選官軍尤爲急務，若不早爲處置，誠恐有悞大計。乞勅兵部從長計議，合無令臣公同各處鎮守等官，着落把總管隊官將見操軍士挑選身力少壯弓馬熟閑，定

爲頭撥其餘定爲次撥三撥各呂編成隊伍如頭撥軍士馬匹矮小者就於次撥好馬內對換騎操其管操把總都指揮等官內有年力衰憊無謀無勇及曾經告發剝削害軍等項官員就便黜遷令其隨操或守城管事另選有謀有勇官員專委把總管隊常用操習以防調度仍將挑選過官軍數目明白開奏如此則官員知所勸戒遇敵可圖成功奉 旨欽遵到部臣等切詳禦侮之道莫先於練兵練兵之要必分其強弱故兵法曰兵無選鋒曰北又曰兵以治爲勝

百萬之衆不用命。不如萬人之鬪。萬人之衆不用命。不如百人之奮。此言兵不貴多。貴乎精多而不精。莫若少而精之爲愈也。切照宣府地方。正係控制虜境。

拱衛京師要害去處。達賊不時出沒騷擾。而迤北差

朝貢往來之地。若守禦單弱。易起戎心。故疎及之。

遣使臣朝貢往來於此。經過宜簡練士卒。整肅兵威。

以捍禦寇盜。鞏固藩籬。以防不測之虞。以爲經久之

計。豈期總兵官紀廣。不恤人言。偏執已見。以因循爲

得計。視邊務如尋常。執稱規矩已定。不肯採納輿情。

此亦將師風弊

推原本心。不過將各衛所精壯軍士。私役在已。或辦

納月錢。或種田覓利。懼怕盡數送出。以失私役。以此不肯揀選。孰拘混淆。况揀選軍士定爲頭撥。次撥二撥。操練正係京師見行。亦非李秉公臆見。若不照依李秉公與鎮守等官內官柏玉議奏事理。趁此邊報稍寧。上緊選揀萬一虜寇逞彼兇奸。仍復擾我邊境。軍士素無分別。強弱混爲一途。未免彼此負累。進止兩難。不能成功。尤恐因而壞事。又况獨石馬營等處地界接連。尤宜謹慎防備。簡練兵卒。乃爲至要。合無一一准其所奏。

湖廣賊情疏

湖廣賊情

先該湖廣三司等官節奏見有苗賊或三五百人或

時因虜警乘机殺虛有寇苗觀此疎寇亦被雨

千餘人侵擾劇掠殺傷官軍本部已經不次覆奏行

令總督總兵等官右都御史王來保定伯梁瑋等調

度官軍設法撫捕去後經今月久功效幾聞而前項

賊寇聚有二千餘徒比舊愈加數多其勢愈加猖獗

且聲言要打武岡城池等語而梁瑋等非惟不能設

法奮勇勦殺抑且並無一字奏報顯是各官因循怠

忽互相推調不肯躬親督兵撫捕若不督併勦除卽

日興師轉餉已及三年之上地方不定人心搖惑而

王府所在更宜條禦是為國休

武岡州又係有王國去處此衡州長沙岳州武昌

一帶大江接連慮恐賊勢益張沿江上下聞風驚懼
重貽後患未便又况寇不可玩兵不可久玩則賊情
愈肆久則供給浩繁財力屈殫皆非經理之道治安
之策合無賫文與王來梁瑤等上體朝廷付托之重
下念軍民擾攘之艱躬親統率官軍將武岡州等處
苗賊作急招撫勦捕務在和同計議協力齊心以收
萬全之功不許顧望遷延玩愒歲月致貽一方之患

若今日各官苟且文具，倘或賊寇勢大，卒難整飭，失誤事機，罪將何逭？若果官軍調遣不敷，空從將附近武岡州所在軍衛有司官軍民壯人等，隨空調用，務圖成功，以保地方，以安人心，仍將撫捕賊寇盡絕緣繇，具實回奏。

兵部爲揀選武職疏

揀選武職

臣等切惟兵者，國之大事，所以防奸而禦侮，保大而安民。然軍必有將，將者三軍之司命也。兵法有大將，有萬人之將，有千人之將，有百人之將，要此○實○切○要○使小大

語の諸の爲の公の所の謂の先し爲の不可の敗の也の
之任各得其人然後調度之際克濟乃事 國朝用

兵之制一本之以古法而參之以時宜一軍之中有
總兵有左右副總兵參將又有坐營把總管隊等項
官員往往擇其人以任之蓋欲防奸禦侮保大安民
者也奈何近年以來爲因承平日久兵備懈弛總兵
乏統馭之才偏裨失遴選之道其把總管隊等官多
有夤緣冒進非才濫充以致軍士不揚戰陣無勇甚
則貪圖賄賂剝削害軍視兵政爲等閑與士卒如仇
敵失利僨事職此之繇邇者恭覩累 勅在京總兵

等官留意訓練官軍從公揀任將士臣謙繆膺總督
之任與同總兵官石亨等祇奉德音卽將各營把
總等項官員分別賢否具奏黜陟已定近取勘到各
營坐營把總管隊官員姓名數目在部備照今將選
定把總等項官員照依先前定擬用心提督操練不
許循情作弊因而輕易動那以後若有事故陞調等
實在此別校得人若別校皆失其人失帥則賢亦難
項應合選人代替者該營把總等官務要遴選至公
于一時務期親此疏知當時我伍充實事專守固
堪把總者令其把總堪管隊者令其管隊仍將選補
在此也
過把總管隊官員職名具奏任用及開報本部以憑

查攷果有坐營等官。將把總管隊官負私自拿動委用者。空從總督總兵官指實參奏拿問。治以重罪。庶使體統不紊。而任用得人。武備修舉。而不誤邊事。緣係處置軍務事理具題。

議處賊卜花秃疏

議處卜花秃

臣等切詳 朝廷之慶賞刑威。猶天之風霆雨露。故中國之馭夷狄。必使 恩威並行。然後遠邇畏服。切照卜花秃原係建州右衛已故都督兀察男。當正統十四年。達賊犯邊之時。跟隨伊父節來我邊剽掠人

畜後又糾合賊徒潛入遼陽地方偷捨馬匹射死舍
丁又將走回餘丁修得受賄行殺死其為兇惡罪犯
深重雖都督董山李滿住等俱係同類夷人親屬先
前董山等赴京通事昌英等審得各人俱要殺死卜
花禿以報仇怨則是卜花禿非徒獲罪於朝廷抑
且致怨於同類今雖自來服罪非其本心實出於遠
東差去都指揮王武等之所誘致雖皇上洪恩俯
從寬宥奈夷情奸詐亦難姑息若不量為處置使之
稍有驚懼非惟外夷聞風而無所勸懲抑且此賊兇

強而終爲患害。况獷獸出押而吞噬之性尚存。飢鷹去構而飛揚之態自若。防患慮後。不得不嚴。合無賫文與遼東總兵官曹義等。從長計議。候卜花禿回還到彼。或暫且羈留遼東。密切防範。仍行文與海西建州各種女直野人頭目。使其知卜花禿先前不合背叛。朝廷侵擾邊境原情定罪。合置極刑。朝廷但念其躬親赴京服罪。寬宥其死。令在遼東隨軍聽調。使其革心向化。刷耻易行。永不敢爲非。候本人果能變惡爲善。另行定奪。就令曹義差人將卜花禿押送

李滿住董山等處令其收管務在如法嚴固幹束不
得縱令生事為非倘或因事發露一體坐罪此外別
有長策奇計可以使賊子知懼不為後患夷人聞風
亦知警畏安從曹義等一面施行一面差人具疏奏
報不許心懷猶豫處置乖方以致事體謬戾自貽後
患緣係處置夷事具題

覆教習功臣子孫疏

教習勳衛

刑部右侍郎江淵題伏惟 國家隆古崇德報功之
典凡勳臣之家前代既加褒銀後世子孫得以承襲

於朝廷任用，且使各官皆得展効才力，不致坐享厚祿，始終保全，與國咸休矣。具題奉 旨抄出到部

參照切詳將臣之任，不博於古典，無以達事理之空，不練習於平時，無以應倉卒之變。比因國家承平日久，將臣子弟，往往溺於流俗，牽于世好，以致卓異者少，庸碌者多。茲當多事之秋，正宜簡將之日。所據公

侯駙馬伯之家，

此是具文無益

雖間有奏討學錄訓導等項，在家教

肅然，其中亦有不曾奏討者。合無行移五軍都督麻轉行各該公侯駙馬伯，查勘各家，若無教官訓誨子

弟者令其逕自具奏吏部查照明白，即便簡拔學識正大相應之人，奏請除與專一教習經書，開導禮義，使知尊卑之分，及公侯駙馬伯持身處事之道，并隨住弟男子姪，若有年力精壯，堪以操習者，俱開本部日逐赴營，隨同總兵官演練武藝，不許晏安怠惰，因循度日，以負朝廷之恩，以隳父祖之業。如此庶禮義之道明，而將不乏人，騎射之藝熟，而用不誤事。緣奉 欽依，兵部看了來說。

擒獲達賊疏

擒獲達賊

切惟中國之馭夷狄固當振之以兵威尤當撫之以
 恩信所以折其強而結其心也今也先節次遣人朝
 貢其譎詐之謀雖未可知而和好之禮則未嘗有失
 今以使臣未回遣人探聽迎接其奄克帖木兒既不
 騎坐鞍馬又不潛入邊城明說接接使臣別無奸細
 情節而守墩官軍就將本人搶拿只貪一時之近功
 不顧朝廷之大體而都督方善又不斟酌事情輒
 便輕信起解今訪得奄克帖木兒見行監問切以為
 此特一俘虜爾殺之不足為武而或有以啓彙舍之

此○脈○殊○得○大○体○

邊臣等以小事起霧



不以爲怯。而或有益於事。如蒙 聖恩。乞 勅法司
再行研審。委的止是探聽使臣消息。別無其餘重情
請 勅令該府差人。連奄克帖木兒。賚送前去。大同
總兵官定襄伯郭登等處收領。撫令聽候邊上。如有
也先差來之人。就彼交與領回。仍諭也先以 朝廷
忠厚撫待之意。使之感激。本部仍行都督方善。并各
邊總兵鎮守等官。今後各要整搦軍馬。固守地方。果
有賊寇侵犯。相機勦殺。若虜中遣人來邊打話。止是
一二人。三五人。別無奸細情繇。及遠探隨後。再無跟

隨掩襲人馬。就便撫令回還。不許貪圖小利。邀功生事。以啓邊釁。以貽後患。亦不許指此爲繇。縱賊入境。剽掠。以誤邊務。緣係請 勅及奉 欽依。兵部知道。事理具題。

怠廢軍政疏

軍政

該刑科等衙門劾奏都督同知衛潁等。交通飲酒。奸宿樂婦。怠廢軍政等情。欽蒙 聖恩寬宥。弗加罪責。然臣等切惟衛潁等。俱以凡才。叨膺重任。擢居都府。分掌兵戎。不能宣力而竭忠。乃敢縱欲而敗度。况終

日飲酒爲樂。又復用錢買奸。若非剝削害軍。此物從何而得。卽日虜人雖已請和。而邊報未嘗寧息。舊耻未雪。當臣子臥薪嘗膽之時。大舉未圖。空將帥捐軀致命之日。而衛頰等所爲若此。上辜朝廷之恩。下

失軍士之望。惟騁一己之嗜欲。豈卹衆情之艱難。曩

道論前失○錄軍政之不肅

者土木之潰。大事幾危。正繇爲將帥者。平日貪淫敗度。受財賣軍。互相交通。夤緣黨比。戰鬪之事不習。兵戎之政不修。將帥互爲讐仇。上下自相矛盾。以致臨敵無功。望風瓦解。前日之覆轍未久。而衛頰等又復

效尤廉恥蕩然。全無忌憚。比者在營軍士逃者數多。動以萬計。安知不爲衛頰等賣放逼迫所致。杜漸防微。不可不慎。且賞從賤罰從貴。此古今之通典。而兵家之要術也。今衛頰等位重任隆。而貪婪無度。則下人何所取法。而管軍者何以爲戒。所據各人罪名。已蒙 聖恩寬宥。而此等駟儻之才。終難任爪牙之寄。合無將衛頰范廣陶瑩張義郭英穆晟俱不許管理。府衛事務。及坐營領軍。調往開平獨石大同一帶操守殺賊。以贖前罪。庶使法令昭明。而餘人知懼。恩義

並行。而戎政修舉，臣等猥以駑鈍，叨掌兵戎，顧惟將帥之用舍繫乎國家之安危事，有當言不敢緘默。

覆大同守禦疏

大同守禦

鎮守大同太監裴當題制虜之道在於有備無虞，用兵之方貴乎知彼知己。今大同見操官軍除東西二路外，馬隊官軍止有六千餘員名，以近守則有餘，以遠戰則不足。步隊官軍雖有八千八百餘員名，止可排營列陣，不能爭先趨利。數內亦有精壯好漢，爲因無馬，俱各步操。乞勅該部量撥精銳馬隊官軍一

萬餘騎前來，餘外另帶附餘馬數千匹，每馬就馱行糧數斗，則給軍食用，亦可存省邊儲。其附餘馬匹，聽臣等於步隊內選人騎操，如若馬步軍士數少，卽於正統十四年原選各衛所餘丁，并大同府民壯查照原來量爲增減，整點齊備，聽候有警，相機調用。如此則軍威強壯，邊事可以有爲，人無浮冗，供給不致缺乏。臣等再照大同府四州七縣之民，生長邊方，安其習俗，性旣勇悍，尤耐飢寒，自晉至今，多於腹裏及迤南衛所充當軍役，其各該衛分有二三千里，有五七

千里者。或歲久年深。拋家失業者。供役者少。事故者多。或因路程寫遠。中途死者有之。或因不服水土。到衛死者有之。或因貪脏官吏受囑賣放者有之。起解者未至。逃亡者復來。該衛無實用之人。原籍有清勾之擾。既僉長解。又歛盤纏。况今兵燹以來。鄉里凋零。至極。軍伍既不能足。民戶因而靠損。若得就近於大衛軍附近充補既服水土又省逃亡稽勾誠良法也同等衛所當軍。情愿自備鞍馬。不敢便支糧賞。奮勇殺賊。以圖補報。臣切惟天下衛所相同者多。祖宗制度。難於更改。但國家政務。有經有權。夷狄事機。

有急有緩。今者北虜之於西夷。大同之與他處。非惟
理勢輕重有不同。其實事機急緩之懸絕。若不先其
所當重者急者。而後其所當輕者緩者。則守經用權
之道。未見其可。乞 勅該部從長計議。除太原府等
處邊衛軍役外。其餘不拘在京在外衛所校尉力士
旗軍等項。今後遇有逃亡事故。在營無人補伍。例當
清勾者。不爲常例。俱各於大同就近照名充當軍役。
聽其自備鞍馬。暫且不支糧賞。於大同前後二衛帶
管收操。待後積有數多。另立衛分管轄。仍行原先衛

分○開○豁○籍○冊○永○不○勾○補○緣○此○等○之○人○既○免○背○井○離○鄉

之○苦○得○遂○安○家○戀○土○之○情○若○使○撫○恤○有○方○教○演○有○法

遇○有○警○急○一○則○不○忍○棄○其○祖○宗○墳○塋○一○則○不○忍○毀○其

宗○族○產○業○無○不○心○懷○敵○愾○樂○於○戰○鬪○比○與○山○西○河○南

調○來○操○備○官○軍○主○客○既○殊○堅○脆○亦○異○庶○使○民○戶○無○分

析○之○患○軍○衛○獲○有○用○之○兵○所○謂○一○舉○兩○得○也○臣○等○看

得○裴○當○稱○要○大○同○府○所○屬○州○縣○清○解○各○衛○所○投○尉○力

士○旗○軍○幼○軍○等○項○俱○於○大○同○附○近○衛○充○當○軍○役○一○節

緣○投○尉○力○士○幼○軍○俱○係○隨○侍○等○項○緊○要○人○數○不○多○

難以存留外。所據清解各衛旗軍，合無准言，不爲常例。存留彼處，操備聽調殺賊，候邊方寧息，另行定奪。仍令各該有司軍衛，將清勾收發過旗軍姓名，通類造冊繳部，以憑查考，不許指此爲繇，生事擾害。經奉欽依。兵部知道。事理具題。

兵部爲懷柔遠人疏

貴州宣慰

吏科抄出吏部左侍郎何文淵題，臣訪得貴州地方洪武年間，止設貴州思南思州宣慰司，管屬土民，仍設都司衙門鎮守其地。太祖高皇帝命鎮遠侯顧

成在彼鎮守事簡民安遠人畏服永樂十一年湖廣

布政司參政蔣廷贊具奏於貴州開設布按二司將

設立布按二司則無礙有方人民殷濟若止立軍

思南等三宣慰司地方改設六府每府所管不過三

衛不設二司如遼東地方終成邊鄙此亦得失之

四長官司人民每司不過一二百戶官多民少點差

懸也於今已漸開闢多成樂土信此謀之未免危矣

弓兵皂隸門子庫子驛夫等項應荅不前官吏在彼

廉潔者少貪墨者多又從取索民財土民受逼日漸

困窮以致去歲苗賊反叛殺害軍民總兵官官聚又

生事激變水西等處土官共起謀逆劫殺地方燒毀

衙門驅擄人口官軍征討屢常交鋒殺人盈野自去

春以來。米糧艱難。人多餓死。傷天地之和。召水旱之災。未必不繇於斯。今兵疲民困。又遣將南征。師旅之行。糧餉爲先。湖廣四川雲南三布政司。僸運供給。勞苦萬端。恐生他變。貴州地方。山嶺高峻。林木深奧。雖有雄兵猛將。急難成功。又且土人之性。叛服不常。懇乞勅兵部計議。其被賊燒毀衙門。弗復起蓋。布按二司。并各府大小官吏。及從征官軍。俱各取回。地方止照洪武年間。設立宣慰司衙門。管屬土人。設都司衙門。都指揮等官。以鈐束軍衛。遣大將一員。前去鎮

守仍降。勅書出給賞賜，命大臣一負，便於言語者。前去招撫，便宐行事，宣布恩威，賞勞土官土人，候討北胡寇寧息，另行計議。於今多事之秋，且置此。小寇於度外等因，具題奉。旨欽遵到部，臣等切詳貴州地方雖僻在一隅，人多頑獷，係我太祖高皇帝開

創于前。太宗文皇帝經營于後，迄今八十餘年，法

制已定，地方無虞。比年以來，為因邊將處置乖方，加

校復

以征南之師數出，兵疲於久戍，民困於遠輸，遂致各

種賊寇乘機生發，殺掠人畜。上于聖慮，勞師遠征。

已及一年之上。各該城池。雖被蠻賊圍困。而各城官。負皆能効力死守。及總兵總督參將巡按三司等官。又不曾要將貴州地方遺棄。并征進官軍取回緣繇。具奏。况土地。祖宗之土地。人民。祖宗之人民。豈可輕易棄擲。兼且事干邊務。難以遙制。合無行令總督軍務本部左侍郎侯璉。總兵官保定伯梁瑤等。將本官所言取回各衙門官負等項。緣繇。公同勘議明白。務在斟酌停當。處置合宜。上不違。祖宗之成法。下不貽邊境之後患。通行其實。回奏定奪。其言要出。

給賞賜命大臣一員前去招撫一節緣此賊勢已猖
 獗惡已稔盈四出紛擾種類不一倚山箐而為險劫
 蜂蟻而屯聚既無所指定處又無常管頭目非得深
 曉夷情孰知道路之人卒難招撫訪得何文淵先已
 出差貴州備諳本處山川險易夷情向背合無將本
 官量與陞職請即遣進諫之人勅并關領賞賜前去貴州與同侯
 璉等相度賊勢便宜招撫惟復不必差官只差人馳
 驛賫文與侯璉公同總兵官梁瑋等審度前項賊情
 量宜撫捕務在日下寧帖緣奉 欽依該衛門看事

理具題

兵部為求計等事疏

處置夷番

巡撫四川都御史李匡咨稱訪得舊威州在保縣之
 外八十里唐李德裕謂其據高山絕頂三面臨江在
 戎虜平川之中是漢地入兵之路號為無憂城臣竊
 謂此地若漢人得而守之番人不敢東向若番人得
 而守之則漢人不可西行本州與朴頭党者木瓦石
 又蘭日駐陸寨先係保縣管轄克羅俄監察伊父南
 葛自永樂八年歸附之後凡有進貢俱從日駐等寨

經過於保縣出境宣德七年雜谷安撫司安撫定日思結將前項六寨占據阻截董卜道路正統七年間草坡賊人作耗都司調軍征勦其董卜乘時調領番兵迎合官軍勦賊就送馬匹從草坡出境赴京進貢奏要開通古敦道路該四川三司勘得古敦係雅州靈關其路險峽正統八年間勅令董卜仍從銅門山朴頭日駐保縣出境被雜谷仍前阻當正統十二年間定日思結病故伊弟阿拜管事將守把達思蠻長官司豆若寨頭日松蓬控辱及有阿拜異母兄朶

魯只兒結伊姐嫁克羅俄監粲爲妾忿恨不承襲管
事與弟觀綽達兒并松蓬俱去投托董卜。正統十三
年間董卜撥人守把豆若寨搶占達思蠻長官司地
方。正統十四年董卜以追還日駐等寨給還保縣爲
名。搶占雜谷安撫司地方。就將雜谷原占保縣舊維
州亦行撥人守把。景泰元年間董卜要進馬匹盔甲
從保縣出境。內官御史三司官不能必其順逆之勢
備繇具奏。欽蒙 勅令董卜將馬匹盔甲免進。景泰
二年三月內董卜差人進貢至保縣地方。三司官親

詣撫却其差來之人。執稱未奉之先馬匹已行出境。續被雜谷達思蠻番人將董卜差來之人截殺。連馬趕逐回還。本年十月二十四日董卜差人二千餘衆護送馬一百餘匹。赴保縣交割。其餘番人盡行退還。自後頗聽撫諭。將原窩張阿賞杜阿泰王俄的丁師保董伯浩等俱發回威州保縣復業。訖。今該前因臣與內官陳涓并三司掌印官親詣威州。會同侍郎等官羅綺等計議得。舊雜州先係保縣管轄。後爲雜谷侵奪。今爲董卜占據。若得此州城。量行撥人守把。則

可以杜董卜覬覦之心。不得此州城。仍係蕃人居住。未可以絕董卜往來之路。已經會案差通事人等前去撫諭克羅俄監祭。着將舊維州退還保縣。未據回報。間有疊溪千戶所該管永鎮等衛地方番人聚衆上路殺虜官軍。侍郎羅綺內官陳涓各往松潘等處行事去訖。臣竊以爲欲杜董卜覬覦之心。必須得此州城。欲消董卜反側之意。必須厚加管待。向使懷柔之道不至。雖得此州城亦爲無用。阻彼一路亦爲徒勞。攷之於古。唐司徒中書令韋臯嘗與吐蕃大戰於

維州則是吐蕃非因雅州維州之險而不來也。今阻

其行維州之路。則保縣一方固美矣。又令其從靈關

而來。則雅州一方何罪焉。况且又有一路從草坡出

汶川縣。一路從僚擇壩出灌縣。一路從清溪口出崇

慶州。是皆不可阻之路。若或四路並出。竟將何術制

馭。抑聞本番之放肆。起於小節之不周。臣自受任以

來。仰體 聖心。凡遇番使之至。尤其加意。以今較前。

漸覺聽撫。兼且番使之來。雖曰進貢。實則圖其口腹。

利。吾賜予。以故韋臯治蜀。開清溪道。以通羣蠻。入貢。

此得番人本情。

制番之道。在官吏撫取。得空不專。在地勢。此論允協。

又選羣蠻子弟。聚之成都。教以書數。羈縻之。旣而軍府厭於廩給。同平章事杜棕。奏減其數。羣蠻遂叛。伏望 聖恩。因其使人之來。嘉其向化之忠。俟其回還。即令賫 勅與克羅俄監粲。着將舊維州碉房。退還保縣掌管。臣在成都日少。仍乞 勅四川三司并鎮守等官。凡遇董卜使人之至。必須撫之以恩。待之以信。與之以酒食。施之以小惠。馬匹旣已阻却。盔甲仍令進奉。則在我懷柔之道得。而番人反側之意定矣。臣之愚見如此。具題奉 旨。欽遵抄出。移咨到部。看

得董卜韓胡宣慰使司掌司事都指揮同知克羅俄
監粲自恃部落強盛陰懷異圖非止一日其控御之
術防閑之道誠不可不加之意今旣都御史李匡詵
議彼中地方險易事情緩急要行請 勅克羅俄監
粲將舊維州礪房邊還保縣掌管并請 勅四川三
司鎮守等官凡遇董卜韓胡使人之至必須撫之以
恩待之以信與之以酒食施之以小惠阻却馬匹令
進盛甲係干處置夷情合當請 勅李匡當知克羅
俄監粲之奸當念地方撫巡之重其於一應夷情邊

久叛新服。因其有請。賜以詩書。庶使漸陶聲教。化流
內外。體烈徒知書有權略。變詐不知忠信禮義。皆從
書出。於是玄宗賜以詩書。今照董卜求討前項書籍。
臣以爲成都記即成都府誌書也。一府之形圖關隘。
此書段大。有。紅。略。於此乎載。不可以此誌與之。使其知成都之地方也。
方與勝覽天下之形像。関隘於此乎載。不可以此書
與之。使其知天下之地方也。其餘書籍。可以與之。誦
讀。使其知忠君親上之道。佩仁服義之節。若或不與。
此書。中。亦。透。彼來朝之人。市於書肆之中。亦不甚難。不若因其請

而與之。可以固結其心。書籍係董卜所無有。朝廷所未賜。臣不敢以私與。乞勅禮部計議。將董卜所求書籍。遣人量加頒賜。因而勅令將舊維州地方。還還保縣。彼必感恩知報。可免西顧之憂。臣之愚見如此。該禮部欽奉。聖旨欽遵。到部除奏討書籍另行。奏請給與外。所據令將舊維州地方。還還保縣一節。移咨到部。叅照董卜韓胡克羅俄監燦其譎詐之心。桀驁之狀。陰懷異圖。非止一日。今雖要令將舊維州還還本縣。誠恐本人反復多端。貪戀土地人民。不

肯退出。并雜谷安撫司達思戀長官司。雖稱退還。亦
不見著實。其稱印信帶出遊方等語。俱屬虛詐。又稱
雜谷達思戀。雖得地方。俱聽董卜節制。則是雖有退
還之名。其實占管如故。李匡所謂洗心向化。未必不
爲虛言。合無行移羅綺。再行公同鎮守。周貴等從長
計議。其於夷情邊務。如果董卜韓胡革心向化。別無
變詐不實。就便差人齎文與克羅俄監燦。以謂爾今
奏討書籍。朝廷已允其請。但舊維州係附近保縣
去處。爾既有恭順之心。不失臣節。宜將本州地方退

回本縣以表臣順、毋得猶豫狐疑、自持兩端、仍令羅綺當知克羅俄監粲之妖、當念地方付托之重、必審勢度情、必輕利重義、今後蕃夷饋送物件、雖不可遽然辭却、以生夷人疑貳之心、亦不可輕易接受、以啓夷人輕侮之意、務在處置停當、俾上下相安、緩急有濟、緣奉 欽依、該衙門知道、事理具題

兵部爲邊務事疏

處置三衛

該提調軍務都御史鄒來學議得、近來虜寇當背義肆惡之餘、有去逆效順之舉、欲將人馬當回、恐阻夷

人向化之心乖 朝廷柔遠之意兼以傳說境外事

情已示驗放入關差人伴送及具奏外臣等切詳朶

顏等三衛餘孽先年勢孤鼠伏一隅不足爲慮自正

統十四年也先猖獗犯邊已結成一黨乘機搶掠今

既隨同也先遠遁而復來本處居住顯係也先部落

之數假以進貢爲名包藏禍心有未可測或自起不

三衛夷人陰陽反覆最難得駕御之宜

忠之釁而探我道路之險易或糾合也先之徒而窺

我兵馬之虛實卽目遼東屢被其患腥羶之計稍遂

犬豕之態益驕臣等所鎮永平山海一帶相去賊巢

不遠履霜堅冰之戒。政在今日。乞勅該部計議。今後後遇有外夷來者。除歸順及有專報警急聲息等項。當卽具奏許令入關。其餘來非時節。及無真實境外事情。合無照依。太上皇帝勅旨。就便阻回。候聖節及冬節前來。進貢照例審實驗放。伴送赴京。仍要多方密切差人哨瞭。如或此賊勢衆離邊。寫遠必須指實具奏定奪。倘若近邊屯聚。意在搔擾。我有可爲之勢。卽便調領所部軍馬出口。相機設法剿捕。以弭後日之患。具題奉 旨欽遵到部。參照奏稱兀良哈

泰寧朶顏福餘三衛達賊頭目。照依比先年間勅旨。今後歸順傳報聲息。許令入關。其餘就便阻回。候冬年令節照例赴京一節。臣等議得前項夷人。自祖宗以來。世受官員。屏蔽我邊。往來通使不絕。後因在邊出沒。大出官軍征勦。以此堅彼黨與之心。遂懷叛逆之意。乃者也。先大衆犯邊。皆倚此賊爲前鋒。鄉道自也。先革心向化。遣使朝貢。請和遁去。而兀良哈三衛達子。亦各回還本處。雖時有人馬在邊出入。陰有窺伺之心。未曾明白寇擾。近又節次遣使臣赴京。

進馬。朝廷禮待如初。今若無故。一旦阻絕。彼必以

○驛○為○此○虜○不○可○吃○示 疑二

為有異謀。因懷疑。二或奔投也。先或自相糾聚。侵擾

邊方。自貽後患。兼之此輩部落正在南北二邊之間。

凡我被擄之人。自逃非逃。回者必從此處經過。平居

無事之時。尚且被其截虜。今若拒而不納。則是愈激

其變。萬一犬羊致慮。阻絕道路。使我人不得回還。非

惟失陷之人。自是永無歸期。抑且虜中消息。從此無

繇。知會有此窒礙。理難拒絕。况朝廷之馭夷狄。本

之以大公。待之以寬恕。來則不拒。去則不追。斯乃防

皇明經世編

于忠肅集 卷之一

處置 三衛

三

平露堂

奸禦侮保邊弭患長策。即目京師內外百穀茂盛。人
民安和。守有城池。操有軍馬。彼雖欲來探我虛實。我
則示以至誠無偽。或者因此知我有備。益堅向化之
誠。若果遽然斷絕。慮恐自開邊釁。且虜寇奸詐。固不
可測。而大計所關。亦不在於兀良哈三衛數人。遣還
之間。便透漏中國消息。且也先之遣使來朝中國。陰
謀不測。比之此輩尤甚。揆之事體。亦可以拒絕之乎。
兼措置邊務。撫柔外夷。有當守經。有當行權者。斯時
虜寇也先等。吞併諸種部落。正在縱橫之際。而兀良

哈三衛名雖遣使朝貢實則暗受也先約束所空行
權以盡懷柔之道庶使醜虜無詞不敢輕動臣等又
惟犬羊之性無常所利者貨財飲食其受制於也先
未必心悅誠服不過威脇勢迫而已 朝廷待以恩

○利○誘○之○和○雖○所○失○之○少○所○得○者○多○

信加以賞勞既得彼之歡心安知不為我邊屏蔽臣
等再三籌慮所奏難准合無行移永平山海等處提
督軍務都御史鄒來學嚴督一帶邊關守備官軍晝
夜謹慎防閑遇有虜使到關審問來歷明白別無寇
擾情繇隨即驗放差人伴送赴京不許日久留難致



生疑惑以開邊釁其間如果虜使數多帶有器械衣甲及哨探隨後別有虜騎按伏事在不測情有可疑。空從各官設法處置相機戰守仍一面星馳差人具○著○此○詳○錄○更○為○周○密○奏不許指此為繇一槩縱令入境而失誤邊務自取重罪。

覆中書舍人何英疏

陝西鎮守

兵科抄出文淵閣辦事中書舍人何英題臣聞宣德年間瓦剌脫殺殺散阿魯台其治下散漫餘寇阿魯朶兒只怕等五六百人潛躲於甘州等處邊境攪擾

陝西百姓數年轉輸甚至艱苦今北賊也先殺散脫
脫不花部下敗殘窮寇無所依歸者甚多欲歸也先
則自相猜忌而不敢歸欲往遼東大同宣府沿邊一
帶則畏懼邊軍并三衛達子而不敢往只得在於甘
涼寧夏沿邊逃躲潛住臣今思莊浪達賊節次殺死
官軍搶掠人畜於近邊攪擾者正此窮賊也况虜中
多係甘肅住坐回回孰知地方邊境城池及楚肅二
府養馬草場去處倘黃河結凍餘寇糾合復來近邊
攪擾實為未便乞
勅該部選差熟於幹辦通曉夷

情一二人賞捧 勅諭詳寫榜文。前去莊浪等處跟

尋殺死官軍為惡達賊宣布 朝廷恩威諭以利害

如從則招撫來降倘或執拗不改前非則量調涼州

莊浪等處見操官軍相機勦殺以除邊患便益奉旨

欽遵到部參照中書舍人何英奏稱其言要差通曉

夷情一二人前去莊浪跟隨招撫殺死官軍達賊一

節議得賊虜之情謫詐多端去來不常居止靡定部

落星散實難結以恩信大眾軍馬尚然追之不及今

二三人却往何處跟尋兼且也先既已不使使臣今

却令人跟尋殘寇。則遠使招收殘寇。先或因而啓隙。是自起釁端。而非安邊禦侮之

道。况近日甘肅一帶擾邊達賊。又未審的係何部落。

設若京師差人到彼跟尋。萬一疎虞。未免失所受辱。

非惟因而透漏邊境消息。抑且醜虜謂我將臣之無

謀。徒惹邊患。無益於事。委的空碍難行。但于邊務夷

情。合無賚文與甘肅總兵官王敬公。同參贊軍務都

御史宋傑等。從長勘議。前項賊寇。是何部落。有無來

歷。卽今應否差人前去招撫。如果相應。就於彼處選

差。諳曉夷情人員。徑自設法。相機進止。前去哨探。得

自督撫遣人共進止。机要自可隨空于事。休為輕

若朝廷遣使則所開國體不細 卷之二 鈞守

見宣明 朝廷恩威諭以利害禍福令其歸款效順。差人伴送赴京自有重大陸賞若賊情奸詐恐有後害難以差人亦要謹慎防範遇警隨空戰守然此事王敬等必須斷以大義決不可猶豫狐疑苟且謀計及輕易舉動致損軍威有乖事體仍先將應否緣繇差人馳奏毋得遲誤若各官輕率怠忽處置不當異日誤事罪有所歸。

皇明經世文編卷之終

皇明經世文編卷之三十五

宋徵璧尚木 陳子龍臥子

華亭

徐孚遠闇公 周立勳勒卣

編輯

錢爾進及甫參閱

朱簡齋先生奏議

疏

朱鑑

請減屯軍子粒禁革奸弊疏 屯軍子粒

據廣東都指揮僉事張玉咨呈稱節據清遠碣石雷
州海南神電廣海等衛南雄韶州捷勝靖海甲子門

等所管屯指揮千百戶楊璟等呈據各該屯田旗軍劉良受等連名狀告俱克各衛所旗軍蒙撥屯種辦納子粒遞年本軍例納細糧六石切息原撥荒田每軍多者二十畝少者十數畝多係深山窵遠及濱海去處其間有水源灌注者少山坡者多望雨成熟旱澗不收且如民田每畝起科多者四五升少者一二升尚且辦納不前今屯軍田土每畝納糧三斗二十畝者納糧六石又有不及畝數者一般辦納委實艱難與民爭種互相告訐連年不絕永樂宣德年間惟

納稻穀俱係各衛所自行收納，虛多實少，亦可拖延。今納細糧，撥與有司見數收納，但要實米到倉，誠革奸弊。但軍士有新舊不同，丁力有多寡不等，致有典賣兒女者，有貧乏逃亡者，甚至不得已，糾合爲非，苟圖衣食者，况兼遞年雨水不均，禾稼不熟，誠恐追徵細糧，逼迫逃竄，苦乞優恤，減分辦納等因。備呈據此，案照先爲戒諭事，節該欽奉勅諭內一款，凡軍民一切利病，及今可以濟時卹患，除奸去弊之事，許指實直言無隱，體得廣東、福建俱係濱海去處，瘴癘之地。

山多田少地瘠人貧附近好田多被頭目占種所撥
旗軍屯田俱係深山窵遠處所山嵐瘴氣所侵軍民
亡故不少以此俱怕前去名雖下屯實在衛所有田
者少無田者多及至比較之時又將徵收銀兩送與
官旗攬納一遇追併有力者照例納足無力者典賣
妻孥益之管屯等官週年春種之時指以查點青苗
等項科歛打發秋成之際指以比較子粒等因索要
使用計其一年所種不勾一年所需以有數之軍士
悉無窮之漁獵所以逃亡數多屯守無備深負 皇

上卹軍之盛意、經國之遠圖、如蒙乞勅該部計議、暫將此等地方子粒減分徵納、以舒軍士、及行各按察司、專委廉幹僉事一員、往來提督、除革奸弊、實爲便

益、正統五年上時
爲監察御史

請開設京衛武學疏

開設京
衛武學

該成國公朱勇等揀選到弓馬慣熟幼官一百員、銓選教官訓教、歷代臣鑑及武經等書、使知尊君親上之道、竭忠報國之心、委臣前去提調、稽其進業、除依奉外、又該本官推訪到曾經戰陣勇敢當先、都指揮

指揮千百戶等官紀廣等五十一員本年三月十四日奉 聖旨也要他熟讀武經百將傳等書曉得用兵方略以待試用吏部俱已奏除訓導楊義等六員前去行在前軍都督府兩傍空屋內各另立學分教欽遵前去幼官學內提調訓誨及去紀廣等學內稽其進業都指揮等官迭兒必失等多有告稱年老不能識字難以熟讀及稱說公差等項不來聽教又有訓導各另學堂偏執已見講解不一各官難以聽受恐非設學教養經久利便之成規也臣稽諸典籍成

周以射御賓興，已有用武取士之意。漢以兵法召募，遂有用武取士之名。唐有軍謀宏遠，能諳孫吳之科，故初舉而得裴端復，再舉而得郭子儀。此武舉得人，之驗也。漢有博士之官，宋有武學之設，故程顥學問淵源，而召判武學。陳瑩中學術醇正，而擢爲博士。此武學官制之備也。臣伏觀皇上嗣位以來，屢勅五軍都督府，及在外各都司衛所，有推舉武職之條，有比試軍職之例，即成周漢唐武舉之科也。今公侯伯已設教官，訓其子孫，都指揮以下等官，又設訓導教

誨即漢唐宋武學博士之制也。至於各都司衛所莫不有學。實 皇上深謀遠慮。作養武職之盛意。然外而衛所雖蒙設學。未見考試其成功。內而京師雖已訓教。未蒙設立武學。蓋學制之設未備。則教法之條不立。武舉之科未啓。則得人之效未著。况一應公文難以行移。訓導未知隸何管屬。如蒙乞勅該部計議在京亦合開設武學。頒降印信。立學規之典。與武舉之科。議官制定員名。訪保學問淵源者。以總其綱。學術醇正者。以分其目。自公侯伯都督以下等官。應襲

兒男及敦敏英俊無此一二百或學則幼官其趁其年少不妨操備選送武知書亦終身不習政事矣學習讀歷代臣鑑等書講明武經孫吳等法每年一

小比三年一大比如有弓馬慣熟兵法精通智謀宏

遠文武雙全者量加陞賞錄名聽用一長可取者亦

與錄名再比二次三次不中者黜退別項差用非應

襲兒男自願入學習舉業者聽其考試照例出身及

照今選年老不能記誦官員合無俱與幼官一處會

同聽講用兵方畧并武經等書然後回齋習讀則講

解歸一勸課有方亦無時過後學之患而大小武職

皆得人矣。仍行各處都布按三司衛所府州縣文武學校一體訓教。著令提調學校僉事并監察御史等官照依考試如式者具其名實奏聞以備取用。其不中式者亦如之。如此則建武學教之於未用之初。立武舉試之於將用之際。殆見學制以備教法以立。武舉以設而公侯伯等官之子孫他日必無驕奢悞事之失。將來俱得實才為國之用矣。

正統六年三月上時為監察御史

請補軍民冊籍疏

軍民冊籍

國家以民數為重。軍民以冊籍為先。凡在有司理當

收貯。洪武元年以來軍民等項戶口俱以版籍爲定。每次重造一樣五本。戶部及司府州縣各收一本。存照以備日久吊查。俾奸巧移易者不得售其私。避重就輕者不得更其役。立法之意至矣。備矣。臣近往太原等府、遼沁等州縣清理軍伍。爲因各處軍民告訐軍役要吊。洪武初年原梁軍冊查理分豁。其各該官吏推稱年久俱各無存。多被吏書更改作弊。將軍作民民捏爲軍。以致連年告訐。互相推調。空歇軍伍。乞各府州縣掌印官員查自洪武元年以來原造軍民

籍冊并節次原梁及抽丁等項軍冊到官逐一點看
 寫補修整完備其迷失損壞燒毀無存者著令史書
 前赴各該上司查寫回還務要不失祖戶姓名原塚
 丁口其克軍來歷衛所鄉貫備細緣由依式補造照
 舊改正比對無差發庫收架如法安置時常晒晾庶
 版籍定軍伍清而偷盜棄毀之弊亦可革矣正統十
 二年上

時為左
 參政

撫安軍民疏

邊防

題為撫安軍民事奉勅爾等即曉諭撫安人民各安

生業毋令驚惶，但不用心撫恤，致小民失所，或因而生事爲非，俱重罪不宥。爾三司仍各委的當堂上官，作急前來鎮守，代州一帶沿邊地方，提督鴈門關官軍，守把關口，嚴謹設備防慎。本司已委左叅議羅恪前，去會同提督守備外，切照山西地方極臨邊境，所屬官吏軍民人等，欽蒙皇上洪福厚恩，不知兵者八十餘年矣，所以終歲勤動，饋運邊儲，供給軍餉，冀衛民生，豈期大同一旦失機，致賊長奸，逞兇殺虜，腹裏橫行，如入無人之境，遠勞聖慮，率師親征，人心

已安、賊必遠遁、然恐此寇詭詐百端、姦計萬狀、或詐降、或請和、或去而復來、或散而復合、或設伏我要衝、或邀截我歸路、或聲東而擊西、或佯北而突南、或攻城搜山、而劫虜我民財、或出消安營、而窺伺我兵勢、雖萬無此虞、亦不可不爲先備也、如蒙准言、乞多擇智謀大將、挑選精銳騎兵、每一營用總兵一員、參將二員、騎兵或一萬、或二萬、不可過多、多則難擇、惟在三令五申之嚴、須用四首八尾之法、布列安營守衛行在、先發夜不收微行、以潛覷其動靜、次發遊奕先

鋒升高以觀其隱伏。量敵而進。慮勝而會。然後發兵。四出策兵。繼從分彼之勢。破彼之謀。各自爲正奇。夾擊其左右。或攻其無備。或出其不意。或勦其夜後。或擣其暮歸。或據險以乘之。或多方以誤之。勿拘于一營。勿局于一陣。或設伏以邀截其歸路。或出奇以夾擊其奔衝。務要左右相援。首尾相應。切不可孤軍深入。亦不可追逼窮寇。慎防佯北之詐。謹備奔衝之突。凡敢勇當先殺賊有功者。則速陞賞。畏法逋遁不行策應者。則速責罰。以勵我兵勢。以奮我兵威。使彼虜

無所加。衆無所用。立見狐奔。竄突。膽喪。心摧。決勝于
須臾。安邊于悠久。則宗社幸甚。天下幸甚。兵法有曰。
兵貴拙速。不尚巧遲。速則乘機。遲則生變。又曰。善守
者。藏於九地之下。善攻者。動于九天之上。書之所載。
理必不誣。欲求萬全。在茲一舉。惟 皇上裁之。又照
山西地方。即目人心未寧。雖有三司。事難專主。伏望
聖恩。暫遣大臣。或侍郎。或都御史一員。馳驛前來。
便宜行事。撫安人心。計整邊務。候邊境寧息之日。依

舊取回。

正統十四年八月
進時爲左叅政

隄防達賊懲勸善惡疏

駕臨上
水封事

欽奉 皇太后明詔，邇因虜寇犯邊，毒害生靈，皇帝恐禍連宗社，不得已躬率六師，往正其罪，以安國家。不意被畱賊庭，臣聞千金之子，坐不垂堂，况 皇上生在深宮，長於內府，不知真是凶器，將是死官，屈萬乘之尊，輕爲孤注之舉，欲固宗社，惟在尊賢使能，俊傑在位可也，欲禦虜寇，惟在選將練兵，積粟補邊可也。奈何舍唐虞三代之聖謨，却乃蹈懷愍徽欽之覆轍，况今年五月初四日，上天垂象，凡有目者，皆得

而見也。欽天監豈有不知，又可深入賊境者乎？是何
姦邪竊弄神器，左使皇上蹈此危機，荼毒生靈，拘
留大駕上貽聖母陛下之憂，下爲官吏軍民之苦，
誠可痛哭流涕而長嘆息者也。然既往者雖不可追，
而方來者尤所當謹。臣恐此寇詭詐百端，奸計萬狀，
節將所獲盔甲器械等物運去而復來，常以所掠金
銀錦段等寶取去而復索，腹裏橫行，剽掠牛羊騾馬，
動數十萬計，到處搜山，殺虜軍民男婦亦數十萬，千
尚在關外劄營，節據飛報搶虜，却說請和，又云結親。

意在寬我之心。實欲中彼奸計。攻我無備。出我不意。又欲因我怠而來擊。此皆兵法也。不可不慎。不可不

宋制往事可鑑

防。請和不已。必至結姻。結姻不已。必索歲幣。歲幣不已。必欲分疆。以國家有限之物。克醜虜無已之求。若不整兵報復。殆見生靈不安。欲計長治之謀。未見其可也。兵法有云。千里而趨利者。蹶上將。百里而趨利者。軍半至。今彼寇以數千里而趨利。其兵將不蹶。我軍以佚待勞而失利。却蹶上將軍。窮究其原。豈無其故。彼以賞罰得專其權。號令得行其志。父子相救。兄

弟相援。所掠之物。皆歸於私室。此所以乘勝長驅。莫之能禦。我以賞罰必聞於朝廷。號令皆制於監軍。將佐不和。士卒無恩。所得之物。必解於公家。此所以屈力殫貨。愈見敗衄。今以結親爲由。遣使來京。一則覘我虛實。以報彼酋。一則通我達軍。以圖內應。所謀者大。其志不小。假以送駕爲名。始得開關迎接。我欲出兵拒抗。彼則指駕爲辭。其謀旣深。我慮宜遠。爲今之計。宗社爲重。急於擇將。速於練兵。擇將務必智勇之才。任將須要權謀。用已暫停中貴監軍之制。假以生

殺賞罰之權使我志無所撓計有所施重整漫散之
兵復募壯勇之士罄奸邪所積之財發太倉陳腐之
粟能勦一賊者賞銀十兩陞以總旗斬二賊者賞銀
二十兩陞以百戶殺一副將者賞銀百兩陞以千戶
能運籌制勝斬將搃旗者賞銀千兩陞以指揮能破
賊陷陣安邊定國者賞銀萬兩不次陞用有傷官軍
賞以粟帛陣亡官軍陞襲子孫惟圖功成勿惜國費
給賞自已之軍民勝饋外夷之虜寇孰不奮勇孰不
當先徵取各道勤王之兵名爲討賊復仇之衆京師

大軍出居庸直隸大軍出紫荆河南山西出鴈門與夫宣府等衛大軍指日刻期諸道並進駐劄大同併力夾攻互相策應出奇擒捕相機追勦務使狐奔兔突膽喪心摧決勝於須臾安邊於悠久奪駕回還窮寇自遁則功可成而恥可雪否則恐以送親爲由乘機隨駕而進衝突京師驚犯陵寢閉門割地束手受制諸道援兵一時難至天下大勢何日得安勿謂此寇不足憂勿謂和議爲可喜苟安於一時貽悔于後日即目雲渾應朔等州縣天城陽和等衛所官吏軍

民人畜已困兩箇月餘賊兵尚在往來遊騎各處搜掠田禾不得收成柴薪不得出採牛羊不得牧放莊田不得照瞭糧食將盡薪芻無遺急於索兵勝於拯溺猶懸待解猶饑待哺倘或坐視不顧臣恐各城不攻而自拔矣也先如果欲送駕回京結爲親姻和好實則未爲可喜虛則愈當隄防先令收其胡黨招回遊騎令我軍民出作入息令我牛羊朝放暮歸無捨虜之虞有安生之樂遣人通報挾彼誓盟務必省去人馬須要收其甲兵单人单騎方許送駕仍令身將

擁兵居庸、慎防賊黨乘機猖獗、暫且苟安於今日、再
行計整於來年、伏望 聖母陛下 邨王殿下、念
祖宗開創之勞、將相披臥之苦、置此多方、欲傳萬世、
取之不易、守之實難、豈可委任奸邪、致使專權用事、
切照太監王振毒亂天下、震驚神器、自江南草寇生、
發立意皆以誅王振爲名、自侍講劉球之歿、中外皆
以殺諫官爲讎、爲厲之階、莫甚於此、古云事歸朝廷、
則治事歸宦官、則亡、史有所載、理必不誣、晉 太祖
高皇帝與羣臣議事、必屏去左右、恐泄事机、有妨國

政書曰監于先王成憲其永無愆伏望 聖母陛下
卿王殿下坤德宏厚軋剛宏斷天位不可以久處
神器不可以無主速爲張主急立儲君選智勇之將
託忠義之臣開直諫之路杜權勢之門凡有軍國重
事委之文武大臣公同計議可者行之其不可者已
之斷克如斯事必有濟早革內寺之權再造中興之
業庶雪前恥以圖後功苟或仍用姦邪復竊政柄枉
誅忠良自悞國家外寇不發內憂必生寧能不慎豈
可不憂况今 皇上被畱賊庭臣下當歿草野奚暇

顧逆鱗、犯忌諱者哉。倘或念臣愚忠、寬以斧鉞、滅王振之門、陞劉球之爵、使奸邪之徒、斂跡、忠良之士、類興、則宗社奠安、天下幸甚。臣前任參政、不君言路、今

忝憲臺、豈敢緘默、

正統十四年為副都御史巡撫山西時上

請罷歸併州縣疏畧

請罷歸併州縣

看得大同為京師之羽翼。馬邑等縣又為大同之羽翼。若併去馬邑等縣、是自折其羽翼也。倘或人去城存、被賊所據、絕其糧道、而大同應朔、豈能固守乎。邇者達賊犯邊、不敢久停于此。因見大同州縣數多、各

以自守世長為慮

處城中人馬尚存誠恐出兵夾擊以故不敢久留倘
或歸併賊人復來分兵據守邀我糧道絕我生理邊
報聲息不通軍民往來不便臣恐大同等城不待攻
圍而自困憊矣况渾源馬邑等州縣較之口外衛所
不同衛所之中不過軍營動則不妨于糧賞州縣之
內多係居民移則必誤於農種乞行大同總兵官早
罷歸併之謀仍設守備之兵僉募本處民壯協同各
所官軍互相策應且守土城賊多則堅壁勿戰賊寡
則相機剿殺分道賊勢以通糧道候邊境寧息之日

設法燒磚包砌、迺者招回貧者賑濟、免糧免差、且耕
且守、各城既守、則民心可安、糧草不悞、糧草不悞、則
大同可守、京師自固、而天下舉安矣。正統十四年巡撫山西時上

請趨吉避凶疏

陰陽地勢

臣聞陰陽家者流、有云地有四勢、氣從八方。國都爲
天下之根本、而皇城又國都之正宮。凡有興作、不可
不慎。今以外局四勢論之、龍弱虎強。山無四顧、喜得
有水。亦嫌反跳。術者皆曰：帝星所臨、固不必論。且
以內局四勢論之、往日以北平布政司爲正宮、故以

晨昏鍾鼓在前。今以奉天殿爲正宮。晨昏鍾鼓不
宜在後。緣左爲青龍。右爲白虎。前爲朱雀。後爲玄武。
左爲陽。右爲陰。左爲華夏。右爲夷狄。青龍宜動。白虎
朱雀玄武宜靜。自永樂宣德以來。各衙門在東。青龍
頭旺。慶壽寺衰微。浮圖破壞。故不爲災。住居安穩。國
家無事。近年以來。却將白虎頭上慶壽寺重新修蓋。
朝暮焚香。鍾鼓齊鳴。又將二浮圖鼎新修理。虎嫌生
角。龍怕無睛。且聞慶壽寺金人所造。革之可也。何爲
重修二浮圖。胡人所剗。除之可也。奚爲復建。加以西

山一帶新造寺宇數多，本欲求福，殊不知反助其爲虐耳。以致江南草寇生發，塞北犬戎衝突，皆因白虎頭興旺之所致也。雖有關於天數，亦必本於人事。陰陽之術，不可盡信。地理之書，亦不可不信。細民之家，尚欲趨吉，皇城之內，可不避凶。如蒙乞勅，在廷文武大臣計議，先將慶壽寺廬其居，移其人，杜其門，弛其鐘鼓，去其二浮圖，候邊境寧息無事之日，果欲事佛，將寺移去東邊舊工部地方起造，改爲龍興寺，可建二浮圖，任其鳴鐘鼓，以聳青龍頭，仍將順天府鐘鼓

樓移來東臺基廠之內起蓋晨昏扣撞以敵白虎臂
又將順天府移來舊都察院及將大興宛平并三儒
學移來舊吏戶禮三部地方開設以配三法司務使
青龍動而且興白虎靜而且安其玄武門迤北順天
府地方取正蓋作庫藏以收天下黃冊圖籍以壓玄
武之地或得餘暇再於城之東南巽地之角起蓋功
臣廟可助外局之龍庶得四勢動靜相宜八方氣候
相應則殘胡自敗草寇不作而國安民康天下太平

矣

正統十四年上
時爲巡撫山西

陳言邊務疏畧

邊務

田輿傳說虜中之言未委虛的然賊情譎詐不可不備今訪得各處邊將罔念子孫有世襲之榮各處軍壯不思朝廷有陞賞之貴各顧身家不肯殺賊每以軍少難敵爲辭屢以糧缺不供頻奏釀成邊患致增聖憂殊不知兵貴練而不貴多戰貴速而不貴久兵多則費財戰久則挫銳昔蘇建以三千而擊匈奴二十餘萬岳飛以三千而破金兵三十餘萬是其驗也豈在多乎惟在兵將一心號令賞罰攻戰調度之

法何如耳。若軍令不嚴，操習無法，人心不齊，器械不利，縱須百萬，何益之有。用之守城，不過食糧互相詐欺而已。用之禦寇，不過退走自相蹂殺而已。斬首者不過一二，而被戮者則舉一而遺百，生擒者不過二三，而追奪者則張百而成千。微立勲勞，喬望陞賞，况有在外役一人而必以上同量輕其與何以御衆總兵既無擅殺之權，軍壯又無畏法之心，以致調征避難者相繼而逃，臨陣畏死者成隊而退，習爲常事，全無紀律，再不假以威權，中以軍令，誠恐因循日久，姑息日深，草場不敢放牧，糧道不得速通，馬必瘦死。

人不聊生，必墮賊計，致誤事機。及訪得大同，見有都指揮二十餘員，俱在一城守備。乞將沿邊渾朔等州、山陰、馬邑等縣，各委能幹都指揮一員，或二員，統領馬步官軍民壯一千，或二千，就彼操備，各守地方。一則防運邊儲，一則護民耕種。賊少至，審勢相機剿殺；賊大至，則通報出奇夾攻，或擊其前，或邀其後，齊力駢戮，燂灰鏖戰，破彼之謀，摧彼之鋒。其敢勇當先，斬首生擒者，就行照例陞賞，調征在逃，臨陣先退者，許令便宜殺罰，以警軍壯，以肅軍威。庶得將令嚴明，人

心齊一。事寧之日。造冊奏聞。則賞功之典。速見。而人
樂于趨事。罰罪之法。速行。而人惧于逡躲。使或仍循
故事。務拘常法。若不假之以威。不借之以權。雖蘇岳
復生。鮮有能成其功者也。殆見屯師日久。邊儲日乏。
馬無薪藪。人無糧食。賊勢猖獗。民心驚惶。以守不固。
以攻不克。雖有智者。不能善其後矣。其欲賊兵自回。
邊境自息。是欲却步求前。豈可得乎。景泰元年為巡撫山西時上

皇明經世文編卷之終